



HOUSE OF COMMONS
CHAMBRE DES COMMUNES
CANADA

DIINÀNH GWIZHÌT NIHKHÀH GWEHNEET'AII TR'IGWAHTSIH, YEENDÒO GUK'ATR'AHNAHTYAA: ARCTIC GWIZHÌT YEENDÒO' T'IGWIHÈECH'AA GEENJIT GISRII NITR'ÄHJIH

Foreign Affairs ts'at International Development Gwizhìt
Dagweedi'in' Gwizhìt Nìlii Kat Geenjít Diiyah Tr'igwaandak

Michael Levitt, Łinagaadal Gwichìt



APRIL 2019

PARLIAMENT 42 GWIZHÌT GWEEDHÀH, TR'OOCHIT NIHKHAH ŁINAGAADAL

Jii diiyah tr'igwaandak gwi'dinehtl'ee tr'altsaii House of Commons Łinatr'aadal Geenjit Gjjkhii gwits'at k'adagwidaadhat

ŁINATR'AADAL GEENJIT GJJKHII JII GEENJIT AHÀ' NÙH

House of Commons ts'at Gwizhit Nilii Kat dagweedi'in' uu'òk t'angiinch'uu gugwahnah'aa geenjit jii dinehtl'eh gwits'an gahtsih. House of Commons ts'at Gwizhit Nilii Kat dageedi'in' gwi'dinehtl'ee uu'òk gwits'an tr'igwahtsii ts'at geenjit diiyah tr'igwaandak House of Commons ts'at Gwizhit Nilii Kat iisrits'at gwits'at k'adagwidàadhat. Jii gwik'it gugwehdineet'oo geenjit chan gwits'at k'adagugwidaadhàt.

Jii gwik'it gugwehdineet'oo ji' li'hàh gwizhit gö'o'ii gwik'it gugwedineet'oo geenjit goo'äih. Jii gwik'it tr'igwidintl'oo ji' duuyeh leii tr'ahtsii, duuyeh uu'òk gwatat trilii göo duuyeh gwit'ih tseedhòh tr'ahtsih. Jii gwits'at k'adagwidaadhat geenjit gö'o'ii gwinjik li'hàh gwik'it t'igwid'i' in kwaa ji' *Gwik'it Gugwehdineetl'oo Gwidagwidji'* è' eh'òk t'igwiheedy'ah. Jii gwik'it gugwehdineet'oo gwiiniindhan ji' House of Commons Eenjit Gjjkhii vits'at tr'igwehdineetl'oo ts'at geenjit tr'oohadahkat.

Jii gwik'it tr'igwahahtsaas geenjit ahà' diigahnuu ji' duuyeh House of Commons gałtsaii gwehdeenjah. House of Commons iisrits'at jii dinehtl'eh gwits'at k'adagwidhat ts'at duuyeh uu'òk gwits'at k'adatr'igwahdaadhat. Gwizhit Nilii Kat guuts'at tr'igjikhè' gugwidinuutl'oo gwik'it gugwehdineetl'oo gwiiniindhan ji' jii tr'oochit gugwidinuutl'oo kat tr'oohadahkat, jii t'at *Gwik'it Gugwehdineetl'oo Gwidagwidji'* è' gwinjik akòo digwiheedy'ah.

Jii gwik'it tr'igwahahtsaas geenjit ahà' diigahnuu ji' House of Commons ts'at Gwizhit Nilii Kat duuyeh zhàk t'iguutr'ilih. Gwiyeendoo gahgwiheedandaii, jii gwizhit goo'äii k'iighé', House of Commons gwizhit akòo digeedi'in' duuyeh diigahaanjaa, duuyeh akòo digeedi'in' guk'iinjigiteedhat ts'at duuyeh atr'oodahkat gwizhit nitr'igwii'äih. Jii gwik'it tr'igwahtsii ts'at yaa'at ch'ii'àn t'atr'ijahch'uu ji', House of Commons, Parliament guunehch'y' t'igwid'i'ii gehdeenjah.

House of Commons guu website www.ourcommons.ca danh chan duuleh jii tr'igwinah'inh.

**DIINÀNH GWIZHÌT NIHKHÀH GWEHNEET'AII
TR'IGWAHTSIH, YEENDÒO
GUK'ATR'AHNAHTYAA: ARCTIC GWIZHÌT
YEENDÒO' T'IGWIHÈECH'AA GEENJIT GISRII
NITR'ÄHJIH**

**Foreign Affairs ts'at International Development
Gwizhìt Dagweedi'in' Gwizhìt Nìlìi Kat Geenjit
Diiyah Tr'igwaandak**

**Michael Levitt
Łinagaadal Gwichìt**

APRIL 2019

**PARLIAMENT 42 GWIZHÌT GWEEDHÀH, TR'OOCHIT NIHKHAH
ŁINAGAADAŁ**

JUUDÌN JII DINEHTŁ'EH KAK GWINAH'IN JII GAHGIHEEDANDAII

Gwizhit Nili Kat guugwitr'it geenjit diiyah tr'igwaandak gwi'dinehtł'ee' House of Commons gwits'an gahtsih

Gwizhit nìlii kat guugwitr'it geenjit diiyah tr'igwaandak gwi'dinehtł'ee gwits'an gahtsii dài' jidìi gwizhit gugwinah'ìn' ts'at geenjit dagiiniindhan uu'òk datthak kat gahgiheendaii geenjit gwits'an gahtsih. Jidìi gwizhit gugwinah'in geenjit tthak diiyah gugwaandak dài' uu'òk jidìi guuvah tr'igwaandak, gwizhit nìlii kat jidìi gigiiniindhan geenjit diiyah gugwaandak, ts'at jaadee akòo digiiniindhan tthak diiyah tr'igwaandak gwi'dinehtł'ee gwizhit nìlih.

Foreign Affairs ts'at International Development Geenjit Gwizhìt Nìlii Kat

LINAGAADAL GWICHÌT

Michael Levitt

LINAGAADAL GWICHÌT TS'ANUU

Hon. Erin O'Toole

Guy Caron

GWIZHÌT GIINLII KAT

Ziad Aboueltaif

Leona Alleslev

Frank Baylis

Pamela Goldsmith-Jones (Parliament Gwizhìt Nìlii Kat Ts'anuu – Jidìi Gwiiniindhan Katr'igjikhii Gwijàa Nìlih Kwàh)

Kamal Khera (Parliament Gwizhìt Nìlii Kat Ts'anuu – Jidìi Gwiiniindhan Katr'igjikhii Gwijàa Nìlih Kwàh)

Hon. Andrew Leslie (Parliament Gwizhìt Nìlii Kat Ts'anuu – Jidìi Gwiiniindhan Katr'igjikhii Gwijàa Nìlih Kwàh)

Raj Saini

Jati Sidhu

Anita Vandenbeld

Borys Wrzesnewskyj

PARLIAMENT GWIZHÌT NÌLII EZHII JII GWIZHÌT GIINLI'

Dean Allison

Vance Badawey

Daniel Blaikie

David de Burgh Graham

Peter Fonseca

Garnett Genuis

Angelo Iacono

Linda Lapointe

Hélène Laverdière
Hon. Robert D. Nault
Robert-Falcon Ouellette
Blake Richards
Adam Vaughan
Salma Zahid

GWIZHÌT NÌLII KAT TS'ANUU

Erica Pereira

PARLIAMENT GEENJIT DINEHTŁEH K'ATR'INAHTII GWIDEEK'IT

**Parliament Geenjit Diiyah Tr'igwaandak ts'at Dagwidi'in Gwizhìt Tr'igwinah'in
Geenjit Gò'o'ah**

Allison Goody, Jidii Tthak Gwizhìt Gwinah'in Nilih
Brian Hermon, Jidii Tthak Gwizhìt Gwinah'in Nilih
Scott McTaggart, Jidii Tthak Gwizhìt Gwinah'in Nilih

Jii geenjit diiyah tr'igwaandak gwi'dinehtl'èe' Uunjit K'yuu ts'at Nèeghaii Gwich'in K'yuu
gwidinithitl'òh ts'at Gwizhìt Nìlii Kat guu website kak göo'aii göo Gwizhìt Nìlii Kat ts'anuu
internet kak FAAE@parl.gc.ca göo tl'yah vizhit tr'igjikhii gwi'ehdichih (613) 996-1540 geenjit
atr'oodahkat diiyeenjit goo'èih.

Y GWINGWAN TR'IGWIŁTSÀIH

House of Commons Geenjit Nijilzhii Kat Canada gwa'àn njìn gwiyeendoo ejùk t'igwinjik gwizhìt gugwinah'ìn'. Arctic gwa'àn chuu choo kak ɬuu gwiinchii göò'yii jùk gukwa nagwidaadhak ts'at khadinàazhiih. Gwiyeendoo gi'gwadhan ts'at chuu kak natr'ahdadal geenjit gwihee'aa gwiiinindhan. Jii k'iighè' Arctic gwa'àn chuu kak ejich'ii neetr'aazhik geenjit gwiheezaa gwizhìt gugwinah'ii, China chan, akòo digiheedyaa geenjit gwizhìt t'iginch'uh.

Gwinagò'ee gwa'àn chuu göò'yii ejùk t'igwinjik ts'at nan kak tthak gwa'àn diik'atr'ahnattyaa zhàk t'igwinjik. Russia guuveenjit naveh t'ah'in gwindoo gwiinzii gugwahtsii ts'at tthak gwinjik t'igwiheech'aa gwinehch'i' giinlii k'it t'igiinch'uh. Jùk diik'ee nichii k'eejit gugwiłtsaaii ts'at Russians kat iitsii nahandit'ee ts'at chuu t'eh gwitr'ii gidi'in ts'at duuleh niinzhit gwats'at diitr'oogahdahk'ee guuveenjit göò'yii jii t'at North America gwi'oo nijin iitsii nahandit'ee ts'at chuu göò'yii gwa'àn duuleh akòo digiheedyaa. North Atlantic Treaty k'iighè' akòo digwiheedyaa kwaa geenjit gwijiinchii göò'ayh. Nivee tr'igwahtsii dài' diik'atr'inahtii eenjit ejich'ii t'atr'ijahch'uu shik, k'eejit gugwahahtsah.

Jii gàa, Arctic gwizhìt neegadadal giiniindhan jí' duuleh okòo digiheedyà'aa guuts'agwagheh t'igwiheech'ah kwàh. Arctic gwizhìt tsinehdanh göò'yii geenjit iisrits'at göonlii ts'at uu'òk nihts'at t'iinch'uu gwinehch'i' t'iinch'uh. Gwiinlit gwizhìt tr'igwahnah'aa, diigwehdeendał kwaa ts'at chuu kak natr'ahdadal gugwahtsii ts'at gwinagò'ee guk'atr'ahnattyaa geenjit nihkhah gwitr'it gugwahahtsa geenjit göò'yii dài' yeendoo geenjit shik gwihèe'ah. Tsinehdanh hàh jidii tthak gwizhìt tr'igwahnah'aa gwihee'aa Canada eenjit gwijiinchii goonlii.

Canada gwizhìt Arctic gwa'àn chuu ts'at gwinagò'ee diits'an göonlii, nits'oo geenjit göò'yii guk'atr'ahnattyaa ts'at dagwiheedy'aa geenjit göò'yii gwinjik guk'atr'ahnattyaa jii tthak gwehneet'ii, jùk ts'at yeendoo tthak diiyenjit gwihee'aa geenjit jii dagwiiniindhan geenjit diiyah tr'igwaandak gwi'dinehtl'èe gwizhìt diinch'uh.

Arctic gwizhìt diigwehdeendał kwaa ts'at diik'atr'ahnattyaa gwizraih Canada guuveenjit göò'ayh kwàh. Kaiik'it gwizhìt iisrits'at gwiinzii t'igwiheech'aa chan geenjit goo'ayh. Göo, tth'ayh hee Canadian Arctic gwa'àn jidii t'atr'ahdahch'aa diiyenjit goo'ayh kwàh. Jidii t'atr'ahdahch'aa gwiintl'oh tr'idi'in kwaa iisrits'at gahgwidandaih. North gwa'àn jidii t'atr'ahdahch'aa gwindoo tr'idi'in kwaa k'iighè' tseedhòh leii tr'idaatsii kwaa jii k'iighè' thàn' t'igwiinchù' gwiiinindhan ts'at ejich'ii daat'l'oh. Foreign Affairs Geenjit Nadhat kat dagweedi'ìn geenjit diiyah gugwaandak gwizhìt jii srigiheelyaa geenjit North gwa'àn

Dinjii Zhuh ts'at Ineekaii gwindoo t'aih guuts'an heelyaa ts'at Arctic iisrits'at edits'at k'agwahaadhat. Jii dagweedi'in diiyah tr'igwaandak gwi'dineht'ee vuuzri' gwizhìt goo'äii, iisrits'at diik'atr'ahtyaa geenjit goo'äii gwizraih tr'idi'in diiyeenjit gwiinleih kwàh. Akòo digwiheedyaa jì' nijìn tr'igwich'in danh nihkhah gwitr'it gugwahahtsa k'iighè' tthak t'aih tr'iheedyaa'h.

JIDÌI GWIINIINDHAN GWIDINITHITŁ'OH

Jii gwizhìt nìlìi kat jidìi geenjit gigjikhè' k'iighè' jidìi giiniindhan, dageedi'in gwi'dineht'èe' gwizhìt gö'o'aii ts'at House of Commons gö Chit Kat gugwahnah'aa geenjit guuts'an gahtsih. Jii geenjit jidìi gwiiniindhan jii gwiyezhak gwidinithitł'oh.

Dinjii Zhuh ts'at Ineekaii Ak'oh Nànhkak Gwizhìt Kaiik'it Gö'o'aii Hàh Gwiinzii Gwitr'it Gugwitahtsaḥ

Jidìi Gwiiniindhan 10

Canada Gwizhìt Arctic gwa'àn chuu nihkhah guk'atr'ahnahtyaa, Canada Eenjit lisrits'at Chit gugwahahtsaa ts'at Ineekaii, guuvehghee geenjit chit giheelyaa gugwahahtsaa k'iighè' Canada Gwizhìt Arctic gwa'àn chuu geenjit chit kat tthak nihkah guk'atrahnahtyaa gugwahahtsaa aii gehghee ts'at nan eenjit tagwiinaadhan tr'ałtsaii geenjit gö'o'aii ts'at Nunavut Marine Council diiyah gwizhìt giheelyah gwiiniindhan.

Jidìi Gwiiniindhan 9

Chuu Guk'andeht'renahtii Geenjit Gö'o'aii Arctic gwa'àn nijìn guk'agahnahtyaa k'eejit gugwı̄tsaaii gwinjik akòo digidi'ii dài' Ineekaii geenjit nadhàt ts'at guukaiik'it hàh jii geenjit nihkhah gwitr'it gugwahahtsaa ts'at Ineekaii gwiyeendoo jii Chuu Guk'andeht'renahtii Geenjit Gö'o'aii gwizhìt guuveenjit gugwi'hè'aa aii geeghee ts'at Canadian Arctic gwa'àn t'igiheech'aa, jii tthak Canada Eenjit lisrits'at Chit Kat gugwahahtsaḥ gwiiniindhan.

Jidìi Gwiiniindhan 19

Canada Gwizhìt Arctic Nànhkak gwa'àn vik'iighè' Aadrii t'atr'ijahchuu dài' ejich'ii iizuu vizhìt t'iheech'ah kwaa ts'at geenjit gwiint'oh tr'igoohéekat kwaa Canada Eenjit lisrits'at Chit gugwahahtsaa gwiiniindhan.

Jidìi Gwiiniindhan 20

Canadian North gwizhìt tseedhòh tr'idaatsii nits'òo gugwihee'aa ginuu dài' NWT gwichìt ts'at Dinjii Zhuh geenjit gö'o'aii guuvah geenjit gigiheekhyaa aii geeghee ts'at nan kak khaii eenjit gwitr'it gwaatsii chan geenjit guuvah gigiteekhyah gwiiniindhan.

Jidìi Gwiiniindhan 23

Canada gwizhìt yeenji' gukaiik'it ts'at jii gweedi' gukaiik'it gi'gwidhan ts'at nihts'at giheedaa gugwahahtsa NWT gwichìt, Dinjii Zhuh geenjit göo'yii ts'at Dinjii Zhuh geenjit nihlinehch'i' gwihee'aa tr'igwahtsii geenjit jilch'eii kat hàh jii geenjit Canada Eenjit lisrits'at Chit guuvah gwitr'it gugwahahtsa. Datthak nihkhah gwiinzii t'igwiheech'aa gugwitr'it geenjit tseedhòh gwits'an tr'ahahtsaa geenjit iisrits'at dagwàhchii gwit'atrahdahch'aa ahlei geenjit gwizhìt nitr'iheelyaa ts'at jii gwitr'it gugwahahtsa niindhan kat, guuveenjit gwihee'aa gwiiniindhan.

Jidìi Gwiiniindhan 24

Nijin Canadian Arctic gwa'àn nivee eenjit zeh tr'igwahahtsa Canada Eenjit lisrits'at Chit gwizhìt gugwahnah'aa ts'at North gwa'àn kaiik'it geenjit gwiyeendoo gwiinzii gugwahahtsa gwinjik tseedhòh t'agahdahch'aa geenjit gugwihee'ah gwiiniindhan.

Jidìi Gwiiniindhan 28

Canadian Arctic gwa'àn nits'òo tseedhòh t'agijahch'ù', dagweedi'in' ts'at nits'òo tagwidhat geenjit NWT gwich'it ts'at Dinjii Zhuh gwichìt hàh Parliament geenjit guuvah gugwahaandak gwiiniindhan.

Diigwehdeendał Kwaa ts'at Diik'atr'ahnahtyah

Jidìi Gwiiniindhan 11

Canada Gwizhìt Chuu Kak Diik'atr'inahtii Geenjit Göo'yii luu khadinahshii gwitr'ii' gwiyeendoo gwiinzii gugwahahtsa k'iighè Canada gwats'at tr'iinlii kat yeendoo gweedhaa gwiinzii guuk'agahnahtyaa ts'at gugwehdèendał kwaa ts'at nijin diits'an góonlii, nihlinehch'i' gwizhìt tr'igwinah'in göo, diikatr'intii geenjit tthak gwiinzii t'igwiheech'aa gugwihee'aa gwiiniindhan.

Jidìi Gwiiniindhan 12

Canadian Arctic gwa'àn nijin shìk chuu kak natr'ahdadál jùk gweendòo t'atr'ahdahch'aa gwinjik geenjit Canada Gwichìt kat map gahahtsa, khanhts'at jii geenjit gwitr'it gugwahahtsa gwiiniindhan.

Jidìi Gwiiniindhan 13

National Aerial Surveillance gwiyeendoo Canadian Arctic gwa’àn nagiheedidał ts’at shìk gwa’àn nagiheedidał Canada Gwichìt kat geenjit goo’aii gugwahahtsaa gwiiniindhan. Aii geeghee ts’at gwa’àn gugwinah’in geenjit t’agijahch’uu ts’at iitsii nahanditee t’agijahch’uu k’eejit giheedyaa geenjit gwihee’aa, federal government kat gwits’an gahahtsaa gwiiniindhan.

Jidìi Gwiiniindhan 14

Arctic gwa’àn nan kak gwitr’it tr’igwahahtsii gugwahnah’aa geenjit ejich’ii t’agijahch’uu tr’iheedyaa geenjit Canada Gwichìt kat tseedhòh gwits’an gahahtsaa ts’at United States, NORAD hàh jii geenjit gwitr’it gugwahahtsaa gwiiniindhan.

Jidìi Gwiiniindhan 15

Diik’atr’intii geenjit ejich’ii t’agijahch’uu, nijùk göö’aii göö shìk North gwa’àn t’agahdahch’aa geenjit göö’aii Canada Eenjit lisrits’at Chit kat NWT t’angiinch’uu hàh gwizhìt shìk gugwahnah’ah. Gwizhìt gugwinah’ii ts’at nijìn North gwa’àn diikatr’intii geenjit tthak gwizhìt giheelyaa jì’, jii gwizhìt kat geenjit tseedhòh Canadian Armed Forces guuts’an gahahtsaa ts’at southern Canada guuch’i’ tr’iguuheedał kwaa gugwihee’ah gwiiniindhan.

Jidìi Gwiiniindhan 16

Canadian Rangers ts’at Junior Rangers kat Arctic gwa’àn Canada gwizhìt t’iinch’uu geenjit gahgwiheedandaii geenjit iitsii nahandit’ee tsal, drones gugwahnuu jii geenjit nits’òo t’agihadahch’aa gaguutr’oohanahchyaa, Canada Gwichìt kat gwizhìt gugwahnah’aa gwiiniindhan. Jùu digwiheedyaa geenjit goo’aii jì’, gwizhìt kat ejich’ii geenjit t’agahdahch’aa nizii ts’at gwiinzii gwitr’it t’agwah’in geenjit tseedhòh gwizhìt nigiheelyaa ts’at Canadian Armed Forces kat North gwa’àn guuvàh tr’igiheekhyaa geenjit ejich’ii nizii giheedyaa’aa gahahtsaa chan gwiiniindhan.

Jidìi Gwiiniindhan 17

North Warning System k’eejit tr’igwahahtsaa geenjit Canada Eenjit lisrits’at Chit kat tseedhòh gwizhìt nigiheelyaa gwiiniindhan, jùk jii geenjit United States kat hàh gigjikhiih, NORAD gwindoo k’eejit nagugwahahtsaa ts’at North gwa’àn gwindoo gwiinzii gwit’agahdahch’aa gugwahahtsaa gwiiniindhan.

Jidìi Gwiiniindhan 18

Canada eenjit nivee t'ah'in iitsii nahandit'ee t'agijahch'uu nijìn geenjit gö'oaii, gwindoo gwiinzii tr'igwahahtsaas ts'at Canadian Arctic gwa'an gwihe'e'aa gwiiniindhan jì', geenjit Canada Eenjit lisrits'at Chit kat gwizhìt gugwahnah'aa gwiiniindhan.

Jidìi Gwiiniindhan 21

Canada Eenjit lisrits'at Chit kat, *Remote Sensing Space Systems Gwidagwidjì'è'* gwizhìt gugwahnah'aa ts'at nijìn gwiyeendoo natr'ahdadál kwaa gwa'an jidìi t'atr'ijahch'uu hàh gwiinzii gwitr'it t'agwah'in geenjit gö'oaii ts'at Global Affairs Canada tth'ah hee jii dagwidjì'è' geenjit dinieh't'eh gwits'an gahahtsaas giheelyaa chan gehdeenjaas gwiiniindhan. 2012 ts'at 2017 dài' jii Dagwidjì'è' gwizhìt gugwinah'in', ezhik dài' jidìi giiniindhan, iisrits'at chit kat geenjit niinji'giheedhat gwiiniindhan.

Gwinago'ee Tthak Nihti'ejùk Niinji'gwidhat

Jidìi Gwiiniindhan 1

North Atlantic Treaty Organization guk'andeht'rehnahtyaa jì' Canada Eenjit lisrits'at chit kat North Atlantic Council hàh gwitr'it gugwahahtsaas ts'at jii gwizhìt nihkhah tr'iinlii kat Arctic gwizhìt Russia eenjit nivee t'ah'in kat dagiheedy'a'aa giiniindhan gahgwiheedandaii ts'at geenjit dagwiheedy'a'aa gahgwiheedandaii gwiiniindhan.

Jidìi Gwiiniindhan 3

China Gwichìt kat, Arctic eenjit nits'òo ganinji'gadhat geenjit Canada Eenjit lisrits'at Chit kat guuts'at gigiheekhyaa gwiiniindhan.

Gwinagoo'ee Gwitsinehdanh ts'at Dinjii Zhuh göo Ineekaii Guuveenjit Gö'oaii

Jidìi Gwiiniindhan 2

Canada Eenjit lisrits'at chit kat geenjit gö'oaii dài' tthak, Russia hàh, Arctic Council gwizhìt ts'at ezhii kaiik'it gwizhìt diiyah gö'oaii hàh, diinagöo'ee dagoonch'uu, diigwehdeendal gwinehch'i' diik'atr'ahnahtyaa, khehtak tr'igwahtsii ts'at gwiinzii tr'igwiheendaii gwits'agwigheh gö'oaii gwizhìt gugwahnah'aa ts'at gwiyeendoo gwiinzii gugwahahtsaas gwiiniindhan.

Jidìi Gwiiniindhan 4

Uu'òk Arctic gwats'at t'iinch'uh kwaa Arctic gwits'at ejich'ii nigiheelyaa giiniindhan jì' Arctic gwa'àn kaiik'it ts'at nan duuyeh yaa'at ch'ii'àn t'igwiheenjaa, jii geenjit Canada gwidagwidjj'è' gwizhìt göö'yii gwinjik t'igiheeda'aa, Canada Eenjit lisrits'at Chit kat geenjit guuts'at gigiheekhyaa gwiiniindhan.

Jidìi Gwiiniindhan 5

Canada eh'òk chuu gwinjik kaiik'it göö'yii, Denmark, Norway, Russia ts'at United States giinlii, United Nations Convention chuu choo eenjit dagwidjj'è' ts'at 2008 Ilulissat Declaration gwinjik gwiinzii nihkhah chuu kak natr'iheedadal geenjit Canada Eenjit lisrits'at Chit kat guuvàh gwitr'it gugwahahtsaa gwiiniindhan.

Jidìi Gwiiniindhan 6

Nijìn gwits'at k'adagwidaadhat geenjit nihts'at göö'yii, United Nations Declaration gwizhìt Ineekaii göö Dinjii Zhuh guuveenjit göö'yii gwinjik nihkhah gwitr'it gugwahahtsaa ts'at United Nations Convention gwizhìt Chuu Choo Gwidagwidjj'è' gwinjik gwihee'aa gwiiniindhan.

Jidìi Gwiiniindhan 7

Canada Eenjit lisrits'at Chit kat Arctic Council gwizhìt Canadian Permanent Participants yeendoo geenjit tthak guugwitr'it geenjit tseedhòh guuts'an gahahtsaa gwiiniindhan.

Jidìi Gwiiniindhan 8

Arctic Council chan diiyah tñinagaadal ts'at Canada Eenjit lisrits'at Chit, tñinatr'aadal gwicħit giinlii dài' jidìi geenjit gigiheekhyaa ts'at nagwidadhat neekaii gugwitr'it gwijiinchii gwihee'aa jii Canadian Permanent Participants hàh geenjit gigiheekhyaa gwiiniindhan.

Diinagoo'ee Ejùk T'igwinjik, Jidìi Gik'igaanjii ts'at Gàh Gwidandaii

Jidìi Gwiiniindhan 22

North gwa'àn tthak nihli'ejùk tr'igwahtsii gugwitr'it geenjit göö'yii gwizhìt gwinagòo'ee ejùk t'igwinjik geenjit göö'yii gwiyeendoo geenjit niinj'i gwiheedhat, Canada Eenjit lisrits'at Chit gugwitahtsaa gwiiniindhan.

Jidìi Gwiiniindhan 25

Canada Eenjit lisrits'at Chit guuveenjit gwizhìt tr'igwinah'in geenjit gwitr'it t'agwah'in kat Arctic gwa'àn Dinjii Zhuh ts'at Ineekaii kat gukaiik'it ts'at Arctic gwa'àn tr'igwich'in kat hàh gwiinzii gigiheekhyaa ts'at jidìi giiniindhan ts'at jidìi geenjit niinji'gadhat yiinjít tr'igwich'ił'ee hàh Canada gwa'àn Arctic gwizhìt guugwitr'it gugwahahtsa gwiiniindhan.

Jidìi Gwiiniindhan 26

Dinjii Zhuh ts'at Ineekaii nits'òo Arctic gwa'àn yi'eenoo gugwiindà' gwinjik jidìi gahgwidandaii gwiiniindhan tachanh gehdeelyaa ts'at gwizhìt nitr'igwiheelyaa Canada Eenjit lisrits'at Chit kat akòo digwiheedy'a'aa geenjit diits'at tr'igiheendal gwiiniindhan.

Jidìi Gwiiniindhan 27

Canadian Antarctic gwa'àn nits'òo gwizhìt tr'igwahnah'aa tr'igwahahtsa ts'at iisrits'at jidìi tthak gwiinzii gwizhìt gugwahnah'aa Polar Knowledge Canada gwinjik t'igwiheech'aa Canada Eenjit lisrits'at Chit kat geenjit gwitr'it gugwahahtsa gwiiniindhan.

DIICHÌT KAT DIIDII GIGIHEEKHYAA GUUTR'OODAHKAT

Geenjit Gö'o'yii 109 gwinjik, chit kat jii Dagweedi'in' Gwi'dinehtl'èe' gugwahnah'aa ts'at geenjit diidii gigiheekhyaa, Gwizhìt Nìlii Kat, jii geenjit guguudahkat.

Łinagaadal 103, 105, 107, 109, 111, 116, 123, 124, 128, 132 Gwizhìt Jidì Geenjit Gigijkhè' Gwidinehtl'èe' gwizhìt gugwahnah'aa geenjit jùu nigugwini'äih.

Yiinjigwichi'l'ee hàh gwits'an dhałtsàih

Michael Levitt
Łinagaadal Gwichìt

